



**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

5. Feminæ mutabiles.

---

[urn:nbn:de:hbz:466:1-68709](#)

gito loquitur, id est, extendit digitum, ut admirationem conciliet, ac interim corde machinatur malum. Quis satis caveat sibi ab his avibus de nocte, hoc est, sub caligine fraudis volantibus, & visa, auditaque ferali sono in crimen & accusationem vocantibus? Et verò quicunque loquaces sunt, plerumque obrectatores & vaniloqui insimulatores sunt, candidaque nigris vertunt. Corvus apud Ovidium lib. 2. Metam. initio albis erat plumis: loquacitas nigrum reddidit, canente Poëta:

Lingua fuit damno: lingua faciente loquaci,  
Qui color albus erat, nunc est contrarius albo.

IV. (d) Proserpina de sententia Jovis alteram anni partem cum conjugé, alteram cum matre commorari iussa est. Eminet in hoc iudicio sapientia Judicis, qui factus sequester litis inter fratrem & sororem, cùm neutram vellet, nec posset offendere partem, illis retinendæ Proserpinæ jus ex æquo, partitus est: & illud quasi Salomonis 3. Reg. 3. pronuntiavit: *Dividatur.* Requirit enim æquitas, ut cùm satis *hanc liquet causa*, teneatur medium, ne pars alterutra lœdatur. Maro canit:

Rex Jupiter omnibus idem.

Hoc Judicantis officium est, ut in ambigua controversia neutrī litigantium parti abjudicet causam, sed *dividat*: neque lancem paribus argumentis librataam, auro prægravari sinat; parum enim differunt *Plutus* & *Pluto*, & hic per illum sæpius in judicijs triumphat.

V. (e) Nescio, an Proserpinæ dimidiata apud inferos, & superros commoratio, non etiam significare possit feminarum quarundam mutabilem & perversam indolem; quæ studijs quandoque pietatis ita videntur addictæ, ut eas inter Cœlites agere, & vitam vivere innocentem ac beatam existimes; Rursus subito ponunt larvam, & vix è limine sacro domum reduces, adeò debacchari incipiunt in maritum & domesticos, ut *Proserpinas* agnoscas Plutonio thoro dignas, Dixeris, manè fuisse Charites, meridie homines, vespere Furias.



(d) *Iudex sapiens & equus.* (e) *Mutabiles feminarum mores.*

SYM-